



## Peristiwa Sepak Raga

A. Samad Ahmad. Penyelenggara. 2013. *Sulalatus Salatin, Sejarah Melayu*, Kuala Lumpur: Dewan Bahasa dan Pustaka.

sama-sama dengan Tun Jana Pakibul. Maka Seri Udana pun kembalilah dengan kemenangannya. Selang berapa hari lamanya maka sampailah ke Melaka. Maka Seri Udana pun masuklah dengan segala hulubalang, membawa Megat Kudu dan Tun Jana Pakibul menghadap Sultan Mansur Syah. Maka terlalulah sukacita baginda, serta baginda memberi anugerah persalinan akan Seri Udana dengan segala hulubalang yang pergi itu. Akan Akhtiar Muluk disuruh arak berkeliling negeri, sebab jasanya membunuh Maharaja Parameswara itu. Maka Seri Udana dijadikan Perdana Menteri. Akan Megat Kudu pun dipersalin baginda, dikahwinkan dengan anakanda baginda yang bernama Raja Mahadewi; maka dirajakan pula di Siak, digelar Sultan Ibrahim. Tun Jana Pakibul juga jadi mangkubuminya. Maka Sultan Ibrahim beranak dengan isteri baginda, anak Paduka Seri Sultan Mansur Syah, seorang lelaki bernama Raja Abdullah. *Wallahu a'lamu bis-sawab wa ilaihil-marji'u wal-ma'ab.*

B-154

### Ditolak Bumi Melaka

Alkisah maka tersebutlah perkataan anak Sultan Mansur Syah yang bernama Raja Muhammad itu; pada niat baginda Raja Muhammad itulah hendak dirajakan di Melaka. Maka Raja Ahmad dan Raja Muhammad telah besarlah kedua anakanda baginda itu. Akan Raja Muhammad itulah yang sangat dikasihi baginda.

A-190 Sekali persetua, Raja Muhammad pergi bermain-main berkuda ke kampung Bendahara Paduka Raja. Adapun pada masa itu Tun Besar, anak Bendahara, sedang bermain sepak raga di lebu, dengan segala orang muda-muda. Maka Raja Muhammad pun lalu, ketika itu Tun Besar sedang menyepak raga; maka raga itu pun jatuh menimpa destar Raja Muhammad, jatuh ke tanah. Maka kata Raja Muhammad, "Ceh, jatuh destar kita oleh Tun Besar!" Sambil memandang mata penjawatnya. Maka berlari orang yang membawa puan baginda, ditikamnya Tun Besar, kena belikat terus ke hulu hati. Maka Tun Besar pun mati.

881-A Maka orang pun gemparlah; segala anak buah Bendahara Paduka Raja pun semuanya keluar dengan alat senjatanya. Maka Bendahara Paduka Raja pun keluar bertanya, "Apa sebab gempar ini?" Maka kata orang itu, "Anakanda Tun

Besar mati dibunuh oleh Raja Muhammad!” Maka segala perihalnya semua dikatakan orang pada Bendahara Paduka Raja. Maka kata Bendahara, “Mengapatah maka kamu semua berengkap ini?” Maka sahut segala anak buah Bendahara, “Sahaya semua hendak berbalas akan kematian saudara sahaya semua!” maka kata Bendahara Paduka Raja, “Hei! Hei! Hendak derhakakah ke bukit? Hendak derhakakah ke bukit? Nyiah! Nyiah! Kamu semua; nyiah! Kerana istiadat hamba Melayu tiada pernah derhaka. Tetapi akan anak raja seorang ini, janganlah kita pertuan.” Maka segala anak-anak Bendahara Paduka Raja pun diamlah sama-sama; masing-masing menyuruh menyimpan senjatanya. Mayat Tun Besar pun ditanamkan oranglah.

B-155

Setelah Sultan Mansur Syah mendengar gempar itu, maka baginda pun bertanya, “Apa digemparkan orang itu?” Sembah Tun Indera Segara “Tun Besar, anak Datuk Bendahara tuanku, mati dibunuh oleh paduka anakanda Raja Muhammad.” Maka segala perihal semuanya dipersembahkan kepada Sultan Mansur Syah. Maka titah baginda, “Apa kata Bendahara?” Maka sembah Tun Indera Segara, “Akan kata Datuk Bendahara, yang adat hamba Melayu tidak pernah derhaka, tetapi akan kita bertuankan anak raja seorang ini janganlah.”

A-191

Maka Sultan Mansur Syah pun memanggil Raja Muhammad; setelah datang, maka baginda pun murka akan anakanda baginda Raja Muhammad, titah baginda, “Celaka si Muhammad ini. Hei Muhammad! Apatah dayaku engkau ditolak muka bumi Melaka!” Maka baginda pun menyuruh memanggil Seri Bija Diraja ke Pahang. Maka Seri Bija Diraja pun datanglah. Maka Raja Muhammad pun diserahkan baginda kepada Seri Bija Diraja, disuruh rajakan di Pahang. Maka Tun Hamzah menantu Bendahara Seri Amar Diraja, digelar baginda Seri Amar Diraja juga. Maka diberikan baginda jadi Bendahara di Pahang, dan lain dari itu diberi baginda yang layak jadi Penghulu Bendahari, dan yang patut jadi Temenggung; dan anak Seri Bija Diraja seorang dijadikan hulubalang besar, bergelar Seri Akar Raja, dan anak tuan-tuan yang asal berasal, seratus orang lelaki, seratus orang perempuan. Maka dari Sedili Besar datang ke Terengganu dianugerahi baginda akan Raja Muhammad. Setelah sudah lengkap, maka Seri Bija Diraja pun kembali ke Pahang membawa Raja Muhammad.

B-156